

四庫全書

史部

欽定四庫全書

史部

欽定續通典卷三十八

詳校官監察御史

臣曹錫寶

洗馬

臣王坦修覆勘

校對官庶吉士

臣

屈為鼎

謄錄監生

臣

張鴻洲

欽定四庫全書

銘定續通典卷三十八

職官

文散官

開府儀同三司

唐制開府儀同三司秩從一品為文散官不帶職事官

者朝參祿俸並同職事仍隸吏部宋開府儀同三司亦

為文散官秩從一品

潘美初為北院使太宗太平興國中改南院使三年加開府儀同三

司又徽宗時以觀文殿大學士召范純仁純仁乞歸養疾帝許之後贈開府儀同三司御書碑額曰世濟忠貞又趙雄字溫叔孝宗時拜右丞相改知江陵府光宗將受禪召雄雄上萬言書陳修身齊家以正朝廷之道甚劉切詔授寧武軍節度使開府儀同三司又韓世忠平湖南授太尉賜帶笏仍勅樞密以功頒示內外諸將帥高宗建炎三年進開府儀同三司又安丙鎮蜀授開府儀同三司遣閤門舍人致錫命錫旌節金印衣帶鞍馬遼北面官南面官皆以此為散階金文階從一品上曰

開府儀同三司中曰儀同三司

韓時為禮部尚書在職七年是時朝廷方議禮

制度或因或革故時在禮部兼領太常甚久熙宗皇統間乞致仕仍加開府儀同三司又豫王永成世宗子風姿奇偉博學善屬文世宗尤愛重之大定二十五元文年命留守中都判吏部尚書進開府儀同三司

散官開府儀同三司儀同三司皆正一品明無此官

### 特進

唐制文散官正二品曰特進宋因唐制

神宗元豐三年王安石復拜左

僕射觀文殿大學士換特進又張浚以却敵功除特進趙葵辭右丞相以觀文殿學士判潭州湖南安撫使加

特進遼無此官金從一品文散階中次曰特進下曰崇進

元亦有特進崇進皆正一品明文散官正一品初授特

進榮祿大夫陞授特進光祿大夫

武宗正德間楊廷和梁儲同在內閣皆特

進張居正父亦由少保少師加特進劉健亦加特進

光祿大夫以下

唐制文散官從二品曰光祿大夫正三品曰金紫光祿

大夫從三品曰銀青光祿大夫

裴度平淮西策勳進金紫光祿大夫宏文館大

學士晉國公

宋文散官光祿大夫金紫光祿銀青光祿品秩

皆與唐制同

元豐官制行王珪由禮部侍郎超授銀青光祿大夫及哲宗立進金紫光祿大夫又

慶元內使王德誨建節謝深甫三疏力陳不可蹈大觀

覆轍乃斥德誨進深甫金紫光祿大夫拜右丞相累乞

避位寧宗曰卿能為朕守法度惜名器不可以言去

遼無此官金文散官正二品

上曰金紫光祿大夫下曰銀青光祿大夫從二品上曰

光祿大夫下曰榮祿大夫元文散官正一品曰金紫光祿大夫銀青榮祿大夫從一品曰光祿大夫榮祿大夫

巴延進金紫光祿大夫知樞密院事又仁宗延祐元年李孟進金紫光祿大夫又李好文為翰林學士承旨皇太子深敬禮之屢引年乞致仕至再三遂拜光祿大夫河南省平章事仍以一品祿終其身又尚文為尚書右丞武宗仁宗之世屢延致訪以國事明文散階從一品進階自光祿大夫轉銀青光祿大夫明太祖洪武三年大封功臣常茂馮勝李文忠鄧

初授榮祿大夫陞授光祿大夫

太祖洪武三年大封功臣常茂馮勝李文忠鄧

愈皆榮祿大夫

唐制正四品上曰正議大夫下曰通議大夫皆文散官

宋正四品上曰正奉大夫下曰中奉大夫遼無金正三品上曰資德大夫中曰資政大夫下曰資善大夫

皆唐  
宋所

無從三品上曰正奉大夫中曰通奉大夫下曰中奉大夫正四品上曰正議大夫中曰通議大夫下曰嘉議大夫元正二品曰資德大夫資政大夫資善大夫從二品曰正奉大夫通奉大夫中奉大夫正三品曰正議大夫通議大夫嘉議大夫明正二品初授資善大夫陞授資政大夫加授資德大夫從二品初授中奉大夫陞授通



奉大夫加授正奉大夫正三品初授嘉議大夫陞授通議大夫加授正議大夫

唐制從四品上曰太中大夫下曰中大夫宋從四品上曰太中大夫下曰中大夫遼無金從四品上曰大中大夫中曰中大夫下曰少中大夫元從三品曰太中大夫

中大夫亞中大夫

舊承金制曰少中廷祐時改亞

明從三品初授亞中

大夫陞授中大夫加授大中大夫

唐制正五品上曰中散大夫下曰朝議大夫從五品上

曰朝請大夫下曰朝散大夫宋正五品上曰中散大夫  
下曰朝奉大夫從五品上曰朝散大夫下曰朝請大夫  
遼無金正五品上曰中議大夫中曰中憲大夫下曰中

順大夫從五品上曰朝請大夫中曰朝散大夫下曰朝

列大夫

舊曰奉德大夫海陵天德二年改曰朝列大夫

元正四品曰中議大夫

中憲大夫中順大夫從四品曰朝請大夫朝散大夫朝  
列大夫正五品曰朝正大夫奉議大夫從五品曰奉直  
大夫奉訓大夫明正四品初授中順大夫陞授中憲大

夫加授中議大夫從四品初授朝列大夫陞授朝議大夫加授朝請大夫正五品初授奉議大夫陞授奉政大夫從五品初授奉訓大夫陞授奉直大夫

唐制正六品上曰朝議郎下曰承議郎宋正六品曰朝奉郎曰承直郎從六品曰奉直郎曰通直郎遼無金正六品上曰奉政大夫下曰奉議大夫從六品上曰奉直大夫下曰奉訓大夫元正六品曰承德郎曰承直郎從六品曰儒林郎曰承務郎明正六品初授承直郎陞授

承德郎從六品初授承務郎陞授儒林郎吏材幹授宣  
德郎

唐制正七品上曰朝請郎下曰宣德郎從七品上曰朝  
散郎下曰宣義郎宋仍唐制改宣義郎曰宣奉郎遼無  
金正七品上曰承德郎下曰承直郎從七品上曰承務  
郎下曰儒林郎元正七品曰文林郎承事郎從七品曰  
徵事郎從事郎明正七品初授承事郎陞授文林郎吏  
材幹授宣議郎從七品初授從仕郎陞授徵仕郎

唐制正八品上曰給事郎下曰徵事郎從八品上曰承奉郎下曰承務郎宋正八品曰給事郎曰承事郎從八品曰承奉郎曰承務郎遼無金正八品上曰文林郎下曰承事郎從八品上曰徵事郎下曰從事郎元正八品曰登仕郎曰將仕郎從八品曰登仕佐郎曰將仕佐郎明正八品初授迪功郎陞授修職郎從八品初授迪功佐郎陞授修職佐郎

唐制正九品上曰儒林郎下曰登仕郎從九品上曰文

林郎下曰將仕郎宋與唐同遼無金正九品上曰登仕郎下曰將仕郎從九品上曰登仕佐郎下曰將仕佐郎

此二階世宗大定十四年始創增

元無九品散階明正九品初授將仕

郎陞授登仕郎從九品初授將仕佐郎陞授登仕佐郎

### 武散官

### 驃騎將軍

唐制武散階從一品曰驃騎大將軍宋與唐同金驃騎衛上將軍係正三品與龍虎衛上將軍金吾衛上將軍

同秩其武散官正從一品者皆用文資元驃騎衛上將

軍正二品其武散官無一品者明驃騎將軍為正二品

初授之職

顧成為驃騎將軍右軍都督府僉事佩征南將軍印總兵征水西叛寇生擒賊首敬德斬

之餘寇悉降又朱榮為驃騎將軍敗賊於嘉林江

陞授金吾將軍加授龍虎將

軍其一品散官用文資

### 輔國將軍

唐制正二品曰輔國大將軍宋與唐同金輔國上將軍係從三品官與奉國上將軍同秩元正二品有輔國上

將軍與奉國上將軍同秩明從二品有定國將軍奉國將軍

鎮軍將軍以下

唐制從二品曰鎮軍大將軍宋正二品有鎮國大將軍無從二品武散官金鎮國上將軍從三品元鎮國上將軍從二品明從二品初授鎮國將軍

唐制正三品上曰冠軍大將軍懷化大將軍下曰懷化

將軍宋與唐同

無懷化將軍

元正三品曰昭武大將軍昭勇



大將軍昭毅大將軍明正三品武散官與元制同

唐制從三品上曰雲麾將軍歸德大將軍下曰歸德將

軍宋與唐同

無歸德大將軍

元從三品曰安遠大將軍定遠大

將軍懷遠大將軍明從三品初授懷遠將軍陞授定遠將軍加授安遠將軍

唐制正四品上曰忠武將軍下曰壯武將軍懷化中郎

將宋與唐同

無懷化中郎將

金正四品上曰昭武大將軍中曰

昭毅大將軍下曰昭勇大將軍元正四品有廣威將軍

宣威將軍明威將軍明與元同

唐制從四品上曰宣威將軍下曰明威將軍歸德中郎

將宋與唐同

無歸德中郎將

金從四品上曰安遠大將軍中曰

定遠大將軍下曰懷遠大將軍元從四品曰顯武將軍

宣武將軍明與元同又有信武將軍

唐制正五品上曰定遠將軍下曰寧遠將軍懷化郎將

宋與唐同

無懷化郎將

金正五品上曰廣威將軍中曰宣威

將軍下曰明威將軍元正五品有武節將軍武德將軍

明與元同

唐制從五品上曰遊騎將軍下曰遊擊將軍歸德郎將

宋與唐同

無歸德郎將

金從五品上曰信武將軍中曰顯武

將軍下曰宣武將軍

其正六品上曰武節將軍下曰武德將軍從六品上曰武義將軍下

曰武略將軍唐宗六品武階無將軍元明六品武階亦無將軍

元從五品有武義將軍

武略將軍明與元同惟改武義為武毅

諸校尉附

唐制諸校尉正六品上曰昭武校尉下曰昭武副尉懷

化司階從六品上曰振威校尉下曰振威副尉歸德司  
階正七品上曰致果校尉下曰致果副尉懷化中候從  
七品上曰翊麾校尉下曰翊麾副尉歸德中候正八品  
上曰宣節校尉下曰宣節副尉懷化司戈從八品上曰  
禦侮校尉下曰禦侮副尉歸德司戈正九品上曰仁勇  
校尉下曰仁勇副尉懷化執戟長從九品上曰陪戎校  
尉下曰陪戎副尉歸德執戟長自四品以下皆番上於  
兵部宋諸校尉名號品秩皆與唐同惟改禦侮校尉曰

禦武

無司階中候司  
戈執戟長等階

金諸校尉自七品始正七品上曰

承信校尉下曰昭信校尉從七品上曰忠武校尉下曰

忠顯校尉正八品上曰忠勇校尉下曰忠翊校尉從八

品上曰修武校尉下曰敦武校尉正九品上曰保義校

尉下曰進義校尉從九品上曰保義副尉下曰進義副

尉元諸校尉正六品曰承信校尉昭信校尉從六品曰

忠武校尉忠顯校尉正七品曰忠勇校尉忠翊校尉從

七品曰修武校尉敦武校尉正八品曰保義校尉進義

校尉無九品武散階明諸校尉沿元制無七品以下武散階

勲官

唐制十有二轉為上柱國視正二品十有一轉為柱國視從二品宋與唐同金亦如之元上柱國為正一品柱國為從一品明與元同易上為左右

張君正父為少保少師加至左柱國

劉健亦加左柱國

唐制十轉為上護軍視正三品九轉為護軍視從三品

宋與唐同金亦如之元上護軍為正二品護軍為從二品明與元同

唐制八轉為上輕車都尉視正四品七轉為輕車都尉視從四品宋與唐同金亦如之元上輕車都尉為正三品輕車都尉為從三品明與元同

唐制六轉為上騎都尉視正五品五轉為騎都尉視從五品宋與唐同金亦如之元上騎都尉為正四品騎都尉為從四品明與元同

唐制四轉為驍騎尉視正六品三轉為飛騎尉視從六品二轉為雲騎尉視正七品一轉為武騎尉視從七品宋與唐同金亦如之元驍騎尉為正五品飛騎尉為從五品無六品以下勲階明驍騎尉亦正五品飛騎尉亦從五品其正六品曰雲騎尉從六品曰武騎尉無七品以下勲階

內官 命婦附

唐制貴妃惠妃麗妃華妃各一人正一品掌佐皇后論



婦禮於內無所不統淑儀德儀賢儀順儀婉儀芳儀各

一人正二品掌教九御四德率其屬以贊后禮美人四

人正三品掌率女官修祭祀賓客之事才人七人正四

品掌敘燕寢理絲枲以獻歲功

其官官尚宮局尚宮二  
人正五品六尚皆如之

掌導引中宮凡六尚事物出納文籍皆涖其印署司記  
二人正六品二十四司皆如之掌宮內文簿出入錄為

抄目審付行馬牒狀無違然後加印典記佐之典記二  
人正七品二十四典皆如之掌記二人正八品二十四

掌皆如之司言典言各二人掌承敕宣付別鈔以授司  
閤傳外掌言二人掌宣傳外司附奏受事者司簿典簿

掌簿各二人掌女史以上名簿司閤六人典閤掌閤各  
六人掌諸閤啟閉尚儀局尚儀二人掌禮儀起居司籍

典籍掌籍各二人掌供御經籍司樂典樂掌樂各四人  
掌宮縣及諸樂司賓典賓掌賓各二人掌賓客朝宴司  
贊典贊掌贊各二人掌賓客朝宴贊相導引彤史二人  
正六品尚服局尚服二人司寶二人典寶掌寶各二人  
掌寶及符契司衣典衣掌衣各二人掌御服首飾司飾  
典飾掌飾各二人掌湯沐巾櫛司仗典仗掌仗各二人  
掌仗衛之罷尚食局尚食二人司膳二人典膳掌膳各  
四人掌供膳虛司醢典醢掌醢各二人掌酒醴司樂典  
樂掌樂各二人掌醫藥司饌典饌掌饌各二人掌給宮  
人飯食尚寢局尚寢二人掌燕見進御之次司設典設  
掌設各二人掌牀帷茵席司興典興掌興各二人掌興  
輦織扇司苑典苑掌苑各二人掌蒔植蔬果司燈典燈  
掌燈各二人掌門閣燈燭尚功局尚功二人掌女工司  
製典製掌製各二人掌供御衣服裁縫司珍典珍掌珍  
各二人掌珍珠錢貨司絲典絲掌絲各二人掌給衣服  
飲食薪炭宮帛絲系司計典計掌計各二人掌給衣服  
飲食薪炭宮

正一人正五品司正二人正六品典正二人正七品掌戒令糾禁譴罰之事

宋內命婦之品

五曰貴妃淑妃德妃賢妃曰大儀貴儀淑儀淑容順儀順容婉儀婉容其官告用遍地銷金龍五色羅紙昭儀昭容昭媛修儀修容修媛充儀充容充媛曰婕妤曰美人曰才人曰貴人其官告用遍地銷金鳳子五色羅紙其宮官與唐制略同遼內官亦多採用唐制聖宗開泰二年正月詔以馬氏為麗儀耿氏為淑儀尚寢白氏昭儀尚服李氏順儀尚功艾氏芳儀尚儀孫氏和儀金內命

婦品元妃貴妃淑妃德妃賢妃正一品昭儀昭容昭媛  
修儀修容修媛充儀充容充媛曰九嬪正二品婕妤正  
三品美人正四品才人正五品各九員曰二十七世婦  
寶林正六品御女正七品采女正八品各二十七員曰  
八十一御妻宣宗貞祐後貴妃下有貞妃淑妃下有麗  
妃柔妃而無德妃賢妃九嬪曰婕妤下有麗人才人為  
正三品順儀淑華淑儀為正四品尚宮夫人尚宮左夫  
人尚宮右夫人尚宮正夫人寶華夫人尚儀夫人尚服夫

人尚寢夫人欽聖夫人資明夫人為正五品尚儀御侍  
尚服御侍尚寢御侍尚正御侍寶符宸侍奉恩令人奉  
光令人奉徽令人奉美令人為正六品司正御侍寶符  
御侍司儀御侍司符御侍司寢御侍司飾御侍司設御  
侍司衣御侍司膳御侍司樂御侍仙韶使光訓良侍明  
訓良侍遵訓良侍從訓良侍為正七品典儀御侍典膳  
御侍典寢御侍典飾御侍典設御侍典衣御侍典樂御  
侍仙韶副使承和良侍承惠良侍承宣良侍為正八品

掌儀御侍掌服御侍掌寢御侍掌飾御侍掌設御侍掌  
衣御侍掌膳御侍掌樂御侍仙韶掌音祇肅良侍祇敬  
良侍祇愿良侍為正九品內官之多前此未有也其宮

官六尚二十四司品秩員數皆同唐制其皇后位下別

有女職

有司閭一人掌宮中諸事并給散宮俸給食料  
秉儀一人承儀一人掌左右給事宣傳啟奏經

籍紙筆之事直閤一人司陳一人掌帳幕牀褥輿織酒  
掃鋪陳薪炭燈燭之事秉衣一人奉衣一人掌衣服首  
飾器玩諸寶貨財裁製繡練之事掌饌  
一人奉饌一人掌飲食湯藥酒醴蔬果之事元明內官與唐

宋略同明宮官六尚二十四司皆用唐制太祖洪武二

十二年授宮官敕服勞多者或五載六載得歸父母聽  
婚嫁年高者許歸願留者聽現授職者皆給與祿六局  
皆鑄印給之成祖永樂後職盡移於宦官其宮官所存  
者惟尚寶四司而已唐外命婦封號已詳杜佑通典其  
制凡命婦朝參視夫子之品宗外命婦之號曰國夫人  
曰郡夫人曰淑人曰碩人曰令人曰恭人曰宜人曰安  
人曰孺人徽宗政和二年詔封母則隨所封五等謂如  
陽縣開國男則隨其爵稱南陽縣其婦人不因夫子得

男令人封魏國公則稱魏國公夫人之類

封號

謂命官非升朝而母年九十以上或士庶人婦女年百歲若迴授者

或因子孫得封

贈其夫至升朝或非升朝應封贈者並孺人太祖建隆

三年詔太皇太后皇太后皇后曾祖母祖母母應封夫

人皆加太字金親王母妻封一字王者舊封王妃為正

從一品次室封王夫人章宗承安二年勅王妃止封王

夫人次室封孺人郡王母妻封郡王夫人國公母妻封

國公夫人郡公母妻封郡公夫人郡侯母妻舊封郡君

承安二年更為郡侯夫人四品文散少中大夫武散懷



遠大將軍以上母妻舊封縣君承安二年改為郡君五  
品文散朝列大夫武散宣武將軍以上母妻舊封鄉君  
承安二年改為縣君元一品封國夫人二品封郡公夫  
人三品封郡侯夫人四品封郡君五品封縣君六品封  
恭人七品封宜人明洪武二十六年定制一品封贈夫  
人二品亦封贈夫人三品封贈淑人四品封贈恭人五  
品封贈宜人六品封贈安人七品封贈孺人凡功推封  
制封某國公者即封某國夫人封某侯者即封某侯夫

人伯子男同後又詔封贈公侯伯子男者其公侯夫人  
各從其爵伯子男夫人止封夫人不得用爵凡命婦因  
子孫官爵封母并祖母者並加太字追封則否

欽定續通典卷三十八

欽定四庫全書

欽定續通典卷三十九

職官

祿秩

幹力

白直

仗身

庶僕

親事

帳內

執衣

防閤

邑士

士力

門夫

等並

附

唐制祿秩之數至德以前已詳載杜佑通典至德宗建  
中三年復減百官料錢以助軍李泌為相又增百官及  
畿內官月俸復置手力資課歲給錢六十一萬六千餘

縉文官千八百九十二員外官八百九十六員左右衛  
十將軍以下又有六雜給一曰糧米二曰鹽三曰私馬  
四曰手力五曰隨身六曰春冬服私馬則有芻豆手力  
則有資錢隨身則有糧米鹽春冬服則有布絹絁絢綿  
射生神策軍大將軍以下增以鞋比大厯以前制祿又  
厚矣

後唐明宗天成中百官奉錢皆折估自五月給  
漢隱帝乾祐中仍後唐制加其估直

周世宗顯德五年詔凡諸色俸戶並勒歸州縣

宋祿粟之制宰相叅知政事樞密使同中書門下平章  
事樞密使副使知院事同知院事及宣徽使簽書樞密  
院事節度觀察留後知樞密院事及充樞密副使同知  
樞密院事并帶宣徽使簽書檢校太保簽書及三司使  
中書門下侍郎尚書左右丞太尉月各一百石樞密使  
帶使相節度使同中書門下平章事以上及帶宣徽使  
并前兩府除節度使樞密使副知院事帶節度使月各

二百石三公三少一百五十石權三司使公事七十石

權發遣使三十五石內客省使二十五石節度使一百

五十石

管軍同知皇族節度使同中書門下平章事并散節度使及帶王爵者並一百石

留後

後改承宣使觀察防禦使一百石

管軍并兩省都知押班諸衛大將軍橫行

遙領者同惟皇族遙

團練使七十石

管軍并皇族及軍班除充者同其餘

正任並五十石若皇族並兩省都知押班諸衛大將軍將軍橫行遙領者同

刺史五十石

皇族

並軍班除充者同其餘正任並管軍三十石兩省都知押班通侍大夫遙領者二十五石諸衛大將軍將軍遙

領者十石橫行遙領者全分二十五石減定十石捧日天武左右廂都指揮使龍衛神衛右廂都指揮使帶遙

郡團練使五十石殿前諸班直都虞候龍衛神衛及諸軍都指揮使帶遙郡刺史二十五石 凡一石

給六斗米麥各半

管軍支六分米四分麥

赤令七石丞四石京府

司錄五石諸曹參軍四石至三石有二等畿縣知縣六石至三石有四等主簿尉米麥三石至二石有二等諸州錄事五石至三石有三等司理司法四石至三石有二等司戶三石二石有二等諸縣令五石至三石有三等

等

惟河南洛縣令隨戶口支

簿尉三石二石有二等西京軍巡判官

四石軍監判官防團推官二石司天監丞四石主簿靈

臺郎保章正二石

以上並給米麥

入內內侍省供奉官至打牧

祇應四石至一石五斗不一

以上並給粳米

祇候殿頭至後苑

散內品三石雲韶部內品一石

以上並給月糧惟雲韶內品給細色

內侍

省供奉官至黃門三石至一石五斗不一

以上並給粳米

黃門

內品至入內小黃門二石至一石不等寄班小底四石

以上並給月糧惟入內小黃門給細色

殿頭內侍入內高班各一石

米麥各半

神宗熙寧二年中書門下言天下選人奉薄多少不一

不足以勸廉吏欲月增米麥料錢縣令錄事參軍三百



七十六員舊請米麥三石者並增至四石司理司法司  
戶主簿縣尉二千五百十三員舊請米麥二石者並增  
至三石防團軍事推官軍監判官一百七十二員舊請  
米二石者並增至三石每月通增米三千七十餘石從

之其祿奉匹帛宰相樞密使月三百千

春冬服各綾二十匹絹三十匹

各綿百兩

樞密使帶使相以下樞密使副知院帶節度使以

上四百千參知政事以下三司使以上二百千

春冬各綾十匹

春絹十匹冬二十匹綿五十兩  
自宰相而下春冬加羅一匹

節度觀察留後以下簽

書樞密院事以上三百千

綾絹羅綿同  
參知政事

各殿閣大學士

直學士學士三師三公百二十千

綾絹諸  
物遞減

東宮三師僕

射九十千東宮三少御史大夫尚書六十千門下中書

侍郎以下御史中丞以上五十千太子賓客四十五千

左右散騎常侍六十千給事中以下詹事以上四十五

千諫議四十千權三司使并權發遣公事副使五十千

以上綾綿等  
物各以次減

左右諭德至郎中三十五千左右庶子以

下赤令以上各三十千丞十五千少詹事二十九千左

右正言以下大理正以上各二十千太子率更以下殿

中省五尚奉御以上各十八千

以上綾綿等物亦各因其品秩而差等之

司

天十五千正十三千秘書郎至大理寺丞各十四千諸

寺監丞十二千大理評事十千太祝奉禮八千司天監

丞主簿各五千靈臺郎三千保章正二千

以上各有綾絹等物惟靈

臺即冬隨衣錢三千

節度使四百千節度觀察留後三百千觀察

使二百千防禦使三百千團練使百五十千

以上春冬各給綾絹

羅綿等物各隨其職事為差等

六軍統軍百千諸衛上將軍六十千左

右金吾衛大將軍三十五千諸衛大將軍二十五千將軍二十千率府率副率中郎將十三千

以上春冬亦各有綾綿等物

內客省使六十千客省使三十七千延福宮及昭宣閣門各使俱二十七千皇城以下諸司使二十五千客省及皇城以下諸司副使二十千內殿承制十七千崇班十四千供奉官十千侍禁七千殿直五千三班奉職借職四千下茶酒班殿侍一千下班殿侍七百

以上各有春冬綾絹

綿不給羅

皇親任諸衛大將軍領刺史八千

据宋志原文當有脫字謹闕疑

將軍刺史六十千將軍三十千率府率二十千副率十

五千

其春冬綾絹外加給羅

其入內內侍省及內侍省有職事黃

門月給錢自二十五千至五百三百不等

亦有絹綿等物不給綾

各省院堂後官主書令史亦月給錢帛其各省院寺監

正任權試各官多一分給錢二分給物外任亦然其在

廣東川陝者並給見錢元豐官制行又加增減然亦無

大損益其武臣奉給在內自殿前司都指揮使下至各

班各直各軍逐分為等以次差降奉錢多者三十千少

欽定四庫全書

欽定續通典

卷三十九

者一千祿粟多者十五石少者二石侍衛馬軍步軍司

都虞候下至六軍諸衛官士奉錢自二十千遞降至三百粟自五石至二石各有差在外諸道州府廂軍自馬步軍都指揮使至牢城副都頭月給奉錢自十五千至

五百凡十有二等

其歲給春冬服絹油絹而外各加綿布錢有差

太祖乾德四

年詔曰州縣官奉皆給他物頗聞貨鬻不充其直責以廉隅斯亦難矣至有賦于屢肆重增煩擾漢乾祐中置州縣奉戶除二稅外蠲其他役周顯德中始革其制自

今宜遂處置田易料錢戶每本官所受物凡一千分納  
兩戶恣其貿易戶輸錢五百蠲役之令悉如漢詔所賦  
官物令諸州計度充一歲所給之數與蠶鹽同時並給  
之其萬戶縣令五萬戶州錄事兩京司錄舊月奉錢二  
萬者給四十戶率是為差簿尉及戶法掾舊月奉六千  
者增一千如其所增之數給與奉戶是歲令西川官全  
給實錢開寶三年令西川州縣官常奉外別給鐵錢五  
千四年十二月詔節度防團副使權知州事節度掌書  
記自朝廷除授及判別廳公事者亦如之副使非知州

掌書記奏受而不釐務者悉如故給以折色太宗太平興國元年詔曰耕織之家農桑為本奉戶月輸絹錢蠶茲庶民不易營置罷天下奉戶其本官奉錢並給以官物令償鬻及七分仍依顯德五年十二月詔增給米麥二年二月詔諸道所給幕職州縣官奉頗聞官估價高不能充七分之數宜令三分給一分見錢二分析色令通判面估定官物不得虧損其價又令西川諸州幕職



官奉外更給錢五千雍正三年文武官折支奉錢舊以二分者自今並給以實價端拱元年詔曰州郡從事之職皆參贊謀畫助宣條教而州縣之任並飭躬蒞政以綏吾民廩祿之制宜從優異庶幾豐泰責之庶隅除川陝嶺南已給見錢外其諸州府幕職州縣官料錢舊三分之二給以他物自今半給緡錢半給他物淳化三年十一月令京東西河北河東陝西幕職州縣官料錢當給他物者每千給錢七百至道二年詔先是京官滿三

十月罷給自今續給之真宗即位以三司估百官奉給折支直率增數倍詔有司重定率優其數咸平元年六月詔文武羣臣有分奉他所而身歿未聞訃已給者例追索可憫自今川陝廣南福建一季餘處兩月悉蠲之三年九月詔羣臣月奉折支物無收其算五年七月增川陝路朝官使臣等月給奉支景德四年九月帝以承平日久賦斂至薄軍國用度之外未嘗廣費自奉且以庶官食貧勸事遂詔自今掌事文武官月奉給折支京

師每錢一千給實錢六百在外四百願給他物者聽大中祥符五年詔文武官並增奉自乾興以後更革為多至嘉祐始著祿令元豐一新官制職事官職錢視嘉祐為優崇寧而後較元豐制祿復倍增矣

遼祿秩無考

金百官奉給正一品三師錢粟三百貫石麴米麥各五

十稱石

春秋衣羅綾各五十匹  
絹各二百匹綿千兩

三公錢粟二百五十貫

石麴米麥各四十稱石

春秋衣羅綾各四十匹  
絹各一百五十匹綿七百兩

親王

尚書令錢粟二百二十貫石麴米麥各三十五稱石

春秋

衣羅綾各三十五匹絹各一百二十匹綿六百兩

熙宗皇統二年定制皇兄弟

及子封一字王者為親王給二品奉餘宗室封一字王者以三品奉給之海陵天德二年以三師宰臣以下有一官而兼數職者又有親王食其祿而復領他事者前此並給以奉今宜從一高其兼職之奉並不重給至世宗大定二十六年詔有一官而兼數職其兼職得罪亦不能免而無廩給可乎遂以職務煩簡定為分數給

兼職之奉從一品左右丞相都元帥樞密使郡王開府

儀同三司錢粟二百貫石麴米麥各三十稱石

羅綾各三十匹

絹各一百匹  
綿五百兩

平章政事錢粟一百九十貫石麴米麥各

二十八稱石

羅綾各二十五匹  
絹各九十五匹  
綿四百五十兩

大宗正錢粟一

百八十貫石麴米麥各二十五稱石

羅綾同上  
絹各九十匹  
綿四百兩

正二品東宮三師副元帥左右丞錢粟一百五十貫石

麴米麥各二十二稱石

羅綾各二十二匹  
絹各八十匹  
綿三百五十兩

從二品

錢粟一百四十貫石麴米麥各二十稱石

羅綾各二十匹  
絹各七十

五匹綿 同判大宗正錢粟一百二十貫石麴米麥各十

三百兩

羅綾各十八匹絹各七

正三品錢粟七十貫石

八稱石

十匹綿二百五十兩 羅綾各十二匹絹各

五十匹綿二百兩 外官錢粟一

麴米麥各十六稱石

羅綾各十二匹絹各

百貫 麴米麥各十五稱石

使副使錢粟八十貫石麴米麥十三稱石

絹各三十五匹綿一百六

十都運府尹錢粟七十貫石麴米麥十二稱石

絹各三十匹綿

百四 從三品錢粟六十貫石麴米麥各十四稱石

羅綾各十

匹絹各五十匹 綿一百八十兩

外官錢粟六十貫石麴米麥各十稱石

絹各二十五匹  
正四品錢粟四十五貫石麴米麥各十

二稱石

羅綾各八匹絹各四  
十匹綿一百五十兩

外官錢粟四十五貫石副

統軍錢粟五十貫石麴米麥各八稱石

絹二十二匹二  
十足綿八十兩

七十兩  
有差

從四品錢粟四十貫石麴米麥各十稱石

羅綾  
各六

匹絹各三十匹  
綿一百三十兩

外官錢粟四十貫石麴米麥各七稱石

絹各十八匹  
綿六十兩

明安錢粟四十八貫石烏爾古使同

大定  
二十

年詔明安穆昆奉給令運使折支銀絹省臣議若估粟  
折支各路運司儲積多寡不均宜令依舊支請牛頭稅  
粟如遇凶年盡貸與民其奉則于錢多路  
府支放錢少則支銀絹亦未晚也從之  
正五品錢粟

三十五貫石麴米麥各八稱石

羅綾各五匹絹各二十五匹綿一百兩外

官刺史知軍鹽使錢粟三十五貫石麴米麥各六稱石

絹各十七匹綿各五十五兩

餘官錢粟三十貫石麴米麥六稱石從

五品官

羅綾各五匹絹各二十匹綿八十兩

外官錢粟二十五貫石麴米

麥各四稱石

絹各十匹綿四十兩

穆昆錢粟二十貫石正六品錢

粟二十五貫石麥五石

絹各十七匹綿七十兩

外官與從六品皆

錢粟二十貫石麴米麥三稱石

絹各八匹綿三十兩

從六品錢粟

二十二貫石麥五石

絹各十五匹綿六十兩

烏爾古副使同正七



品錢粟二十二貫石麥四石

絹各一十二匹  
綿五十五兩

外官諸同

知州軍都轉運判諸府推官諸節度判諸觀察判諸京

縣令諸劇縣令提舉南京京城規措渠河官諸都巡檢

諸酒麴鹽稅副諸正將錢粟一十八貫石麴米麥各二

稱石

絹各七匹  
綿二十五兩

潼關使錢粟一十八貫石麴米麥各

一稱石

絹各六匹  
綿三十兩

從七品錢粟一十七貫石麥四石

絹各

十匹  
五十兩

外統軍司知事錢粟一十七貫石麥四石

絹同  
上

諸鎮軍都指揮使錢粟一十八貫石麴米麥各二稱石

絹各七匹 綿  
二十五兩

諸招討司勘事官諸縣令諸警巡副京兆

府竹監管勾五品鹽使司判諸部圖埒同提舉上京皇

城司同提舉南京京城所黃河都巡河官諸河稅權場

使錢粟一十七貫石麴米麥各二稱石

絹各七匹 綿  
二十五兩

會

安關使諸知鎮城堡寨錢粟一十五貫石麴米麥各一

稱石

絹各六匹  
綿二十兩

正八品朝官錢粟一十五貫石麥三石

絹各八匹 綿  
四十五兩

外官市令諸錄事諸防禦判赤縣令丞尉

崇福索多巡河官諸酒稅使醋使權場副諸都巡檢錢

粟一十五貫石麴米麥各一稱石

絹各六匹  
綿二十兩

烏爾古判

官奉同按察使知事大興府知事招討司知事諸副都

巡檢使錢粟一十三貫石麴米麥各一稱石

絹各六匹  
綿二十兩

諸司屬丞奉同上諸節鎮以上司獄諸副將錢粟一十

三貫石

絹各三匹  
綿十兩

南京京城所管勾京府諸司使管勾

河橋諸關渡稽察官同樂園管勾南京皇城使通州倉

使錢粟一十二貫石

絹各三匹  
綿十兩

節鎮諸司使中運司柴

炭場使錢粟一十貫石

絹各二匹  
綿八兩

從八品朝官錢粟一

十三貫石麥三石

絹各七匹  
綿四十兩

外官南京交鈔庫使諸統

軍按察司知法錢粟一十三貫石麥三石

絹各七匹  
綿四十兩

諸

州軍判官諸京縣丞諸次劇縣丞諸三品鹽司判官漕

運司管勾永豐廣備庫副使左右別貯院木場使錢粟

一十三貫石麴米麥各一稱石

絹各六匹  
綿二十兩

諸默濟格諸

額勒金錢粟一十三貫石麥二石

絹各五匹  
綿一十五兩

正九品

朝官錢粟一十二貫石麥二石

絹各六匹  
綿三十五兩

外官交鈔

庫副錢粟一十二貫石麥二石

絹六匹  
綿三十五兩

諸警巡院判

官錢粟一十三貫石麴米麥各一稱石

絹六匹  
綿十兩

諸縣丞

諸酒稅副使錢粟一十二貫石麥一石五斗

絹各五匹  
綿十七兩

市丞諸司候諸主簿諸錄判諸縣尉散巡河官黃河場

物料場官錢粟一十二貫石麥一石

絹各三匹  
綿十兩

管勾泗

州排岸巡檢副都巡檢諸巡檢奉例同諸鹽場管勾左

右別貯院木場副永豐廣備庫判錢粟一十二貫石

絹各

三匹綿 諸都將隊將錢粟一十二貫石麥一石

絹各三  
匹綿一

十兩 店宅務管勾錢粟一十二貫石

綿絹  
同上

京府諸司副南

京皇城副通州倉副同管勾河橋諸副譏察錢粟一十

一貫石

絹各二匹  
綿八兩

諸州軍司獄錢粟一十一貫石

絹各二匹

綿八兩節鎮諸司副中運司柴炭場副錢粟一十貫石

綿

同從九品朝官錢粟一十貫石麥二石

絹各五匹  
綿三十兩

外官

諸教授錢粟一十二貫石麥一石

絹各三匹  
綿十兩

三品以上

官司知法錢粟一十貫石

絹各三匹  
綿十兩

司候判官錢粟

一十貫石

絹各二匹  
綿八兩

諸防次軍轄奉同諸權場同管勾

左右別貯院木場判錢粟亦同

絹各三匹  
綿六兩

諸京作院都

監通州倉判五品以上官司知法錢粟九貫石

絹各二匹綿六

兩諸府作院都監諸埽物料場都監錢粟八貫石

絹各一匹

綿六兩諸節鎮作院都監諸司都監錢粟八貫石

絹各二匹諸

司同監錢粟七貫石

絹同上

陝西東德州世襲番巡檢分

例月支錢粟一十貫石

絹各二匹綿十兩

陝西西京原州世襲

番巡檢月支錢二貫三百九十文米四石五斗

絹三匹河

東北路葭州等處世襲番巡檢月支錢粟一十貫石

絹二

匹綿十兩

其宮闈歲給太后太妃每歲各給錢二千萬

絹二百段

絹千匹 綿五千兩

諸妃歲給錢千萬

綵百段 絹三百匹 綿三千兩

嬪以下錢

五百萬

綵五十段 絹二百匹 綿二千兩

海陵貞元初妃嬪婕妤美人及

供膳女侍并仙韶長春院供應人等歲給錢帛各有差

至宣宗貞祐時定內職之制正一品歲錢八千貫

幣百段 絹

五百匹 綿五千兩

正二品歲錢六千貫

幣八十段 絹三百匹 綿四千兩

正三品

歲錢五千貫

幣六十段 絹二百匹 綿三千兩

正四品歲錢四千貫

幣四十段 絹

絹百五十匹 綿二千兩

正五品尚宮夫人歲錢二千貫

幣二十段 絹百匹 綿

千尚宮左右夫人至宮正夫人錢千五百貫

幣十九段 絹九十匹



綿九寶華夫人以下至資明夫人錢千貫幣十八段絹八十匹綿八十兩

百正六品尚儀御侍以下錢五百貫幣十六段絹五十匹綿二百兩

七品司正御侍以下錢四百貫幣十四段絹四十匹綿一百五十兩正八

品典儀御侍以下錢三百貫幣十二段絹三十匹綿百兩正九品掌

儀御侍以下錢二百五十貫幣十段絹二十匹綿百兩

元初無祿秩之制世祖即位乃命給之自中統元年至至元十八年屢定其制未有成規至至元二十二年始定百官奉給每品又分上中下三等視其職事以為差

從一品

六定或五定

正二品

四定二十五兩或四定十五兩

從二品

四定或三定三

十五兩或三定二十五兩

正三品

三定二十五兩或三定一十五兩或三定

從三品

三定或二

定三十五兩或二定二十五兩

正四品

二定二十五兩或二定一十五兩或二定

從四品

二定

一定四十五兩或一定四十兩

正五品

一定四十兩或一定三十兩

從五品

一定三十兩或

一定二十兩

正六品

一定二十兩或一定十五兩

從六品

一定一十五兩或一定十兩

正七品

一定十兩或一定五兩

從七品

一定五兩或一定

正八品

一定或四十五

兩從八品

四十五兩或四十兩

正九品

四十兩或三十五兩

從九品

三十兩其

內外官錢粟之數太師府太師俸一百四十貫米一十

五石諮議參軍奉四十五貫米四石五斗長史奉三十

四貫有奇米三石

太傅太保府同監修  
國史參軍長史同

中書省右丞

相奉一百四十貫米十五石平章政事奉一百二十八

貫有奇米十二石左右丞奉一百十八貫有奇米十二

石參知政事奉九十五貫有奇米九石五斗參議奉五

十九貫米六石其郎中以下及所屬官各依其職事品

級次減之六部尚書奉七十八貫米八石侍郎奉五十

三貫有奇米五石郎中以下遞減之樞密院知院奉一

百二十九貫有奇米十三石五斗同知奉一百六貫米  
十一石副樞奉九十五貫有奇米九石五斗僉院奉九  
十貫有奇米同副樞同僉奉五十九貫有奇米六石院  
判奉四十二貫米四石五斗參議奉三十九貫有奇米  
三石五斗其所屬經歷各官及客省使副使以次減之  
右衛都指揮使奉七十貫米七石五斗副都指揮使奉  
五十九貫有奇米六石僉事奉四十八貫有奇米四石  
五斗其屬官經歷以下各官以次減之

左衛前衛後衛  
中衛武衛左阿

蘇衛右阿蘇衛左都威衛右都威衛左欽察衛右欽察  
衛左衛率府宗仁衛西域司塘回司貴微司並同右衛

例

忠翊侍衛都指揮使奉一百貫副使奉八十三貫有

奇僉事奉六十六貫有奇其所屬經歷以下各官以次

減之

隆鎮衛右翊蒙古侍衛並同忠翊侍衛例

御史臺御史大夫奉一百一

十八貫有奇米十二石中丞奉一百六貫米十一石侍

御史奉九十六貫有奇米九石五斗治書侍御史奉九

十貫有奇米九石五斗殿中奉四十八貫有奇米四石

五斗監察御史奉二十八貫米三石其首領經歷等以

次減之奎章閣學士院大學士奉一百一貫有奇米十石五斗侍書學士奉九十五貫有奇米九石五斗承制學士奉七十八貫米八石供奉學士奉五十九貫有奇米六石其首領官參書以下各官遞減之大禧宗禋院院使奉一百十八貫有奇米一十二石同知奉一百貫米十石副使奉九十五貫有奇米九石五斗僉院奉九十貫有奇米九石同僉奉五十九貫有奇米六石院判奉四十二貫米四石五斗參議奉三十九貫有奇米三

石五斗其所屬經歷以下各官以次減之

宣政宣徽兩院畧異其大

數並同

翰林國史院承旨奉一百十八貫有奇米十二石

學士奉一百六貫米十一石侍讀學士奉九十五貫有

奇米九石五斗

侍講學士同

直學士奉五十九貫有奇米六

石其經歷等官遞減之

翰林集賢院同大學士同承旨餘並同上例

中政院

院使奉一百一貫有奇米十石五斗同知奉八十二貫

有奇米八石五斗僉院奉七十貫米七石五斗同僉奉

五十九貫有奇米六石院判奉四十三貫有奇米四石

五斗司議奉三十六貫有奇米三石其長史以下遞減

之

太醫院典瑞院將作院  
太史院儲政院並同

太常禮儀院院使奉八十二

貫有奇米八石五斗同知奉七十二貫米七石五斗僉

院奉四十八貫有奇米四石五斗同僉奉四十二貫米

四石五斗院判奉三十七貫有奇米四石其所屬經歷

等官遞減之

通政院副使奉五十九貫有奇米六石  
餘與太常禮儀院畧異其大數並同

大

宗正府伊克扎爾古齊其一員奉一百十八貫有奇米

十二石二十七員奉八十二貫有奇米八石五員奉六十



七貫有奇米六石五斗其郎中以下遞減之大司農司  
大司農奉一百一十八貫有奇米十二石卿奉一百三  
貫米十一石少卿奉九十五貫有奇米九石五斗丞奉  
九十貫有奇米九石五斗其所屬經歷等官遞減之內  
史府內史奉一百四十三貫有奇諮議奉四十六貫有  
奇記室以下遞減有差皆無米大都留守司留守奉一  
百一貫有奇米十石五斗同知奉八十二貫有奇米八  
石五斗副留守奉五十九貫有奇米六石留判奉四十

二貫有奇米四石五斗其經歷以下遞減之都護府大  
都護奉八十二貫有奇米八石五斗同知奉七十二貫  
有奇米七石五斗副都護奉五十九貫有奇米六石其  
經歷等官遞減之崇福司司使奉八十二貫有奇米八  
石同知奉七十貫米七石五斗副使奉五十九貫有奇  
米六石司丞奉三十九貫有奇米三石五斗其經歷以  
下遞減之給事中奉五十三貫有奇米五石左右侍儀  
奉御奉四十八貫有奇米四石五斗武備寺卿奉七十

貫米七石五斗同判奉五十九貫有奇米六石少卿奉

四十二貫米四石五斗寺丞奉三十九貫有奇米三石

五斗其經歷各官以次減之

太僕無同判餘皆同光祿長慶長新長秋承徽長寧

尚乘長信等寺並同

尚舍寺太監奉四十八貫有奇米四石少監

奉三十九貫有奇米三石五斗監丞以下遞減之侍儀

司侍儀使奉七十貫米七石五斗引進使奉四十八貫

有奇米四石五斗典簿以下各官遞減之拱衛司都指

揮使奉七十貫米七石五斗副都指揮使奉五十九貫

有奇米六石僉事奉四十八貫有奇米四石五斗經歷  
以下各官次減之內宰司內宰奉七十貫米七石五斗  
司丞奉四十五貫米四石五斗典簿以下各官遞減之  
司同延慶司延慶使奉一百貫同知奉六十三貫有奇

副使奉四十六貫有奇司丞奉三十四貫有奇米三石  
典簿以下遞減之內正司司卿奉七十貫米七石五斗  
少卿奉四十七貫米四石五斗司丞奉三十九貫有奇  
米三石五斗典簿以下遞減之

中瑞  
司同

京畿運司運使奉

五十六貫米六石同知奉三十九貫有奇米三石五斗  
運副奉三十四貫有奇米三石運判奉二十六貫有奇  
米二石五斗經歷以下各官遞減之太府監卿奉七十  
貫米七石五斗太監奉五十九貫有奇米六石少監奉  
四十二貫米四石五斗監承奉三十九貫有奇米三石  
五斗經歷以下各官遞減之  
秘書章佩利用中  
尚度支等監並同國子監  
祭酒奉五十九貫有奇米六石司業奉三十九貫有奇  
米三石五監丞以下遞減之  
蒙古國  
子監同經正監卿奉七十

貫米七石五斗太監奉五十貫米五石少監奉四十二  
貫米四石五斗監丞以下遞減之開遺監太監奉四十  
八貫有奇米四石少監奉三十九貫有奇米三石監丞  
以下遞減之司天監提點奉五十九貫有奇米六石司  
天監奉五十三貫有奇米五石監丞以下各官遞減之  
回司天監少監奉四十  
二貫米四石五斗餘皆同都水監都水卿奉五十三貫  
米六石少監奉三十九貫有奇米三石五斗監丞以下  
遞減之大都路達魯噶齊及總管奉一百三十貫副達

嚕噶齊一百二十貫同知及治中八十貫判官五十五貫推官五十貫經歷以下遞減之外官行省左丞相二百貫平章政事一百六十六貫有奇右左丞同參知政事一百三十三貫有奇郎中以下及一切首領官依其品秩遞減之宣慰司腹裏宣慰使奉中統鈔五百八十貫有奇同知五百貫副使四百十六貫經歷以下遞減之行省宣慰使奉至元鈔八十七貫有奇同知四十九貫副使四十二貫經歷以下遞減之廉訪司廉訪使奉

中統鈔八十貫副使四十五貫僉事三十貫經歷以下  
遞減之鹽運司腹裏運使奉一百二十貫同知五十貫  
副使三十五貫判官三十貫經歷以下遞減之行省運  
使八十貫同知五十貫運副四十貫判官三十貫經歷  
以下遞減之上路達魯噶齊及總管奉八十貫同知四  
十貫治中三十貫判官二十貫推官十九貫經歷以下  
遞減之下路達魯噶齊及總管奉七十貫同知三十五  
貫判官二十貫推官十九貫經歷以下遞減之散府達



嚕噶齊及知府奉六十貫同知三十貫判官推官十八貫知事以下遞減之上州達嚕噶齊及州尹奉五十貫同知二十五貫判官十八貫知事以下遞減之中州下州達嚕噶齊及州尹以次減十貫其下各減三四五貫不等上縣達嚕噶齊及縣尹奉二十貫中縣減二貫下縣減三貫縣丞以下遞減之中下縣無丞有典史皆一十五貫其諸署諸局各官名目甚繁奉數不能悉載明太祖洪武十三年重定内外文武官歲給半奉鈔之

制正從一二三四品官自千石至三百石每階遞減百石皆給奉鈔三百貫正五品二百二十石從減五十石鈔皆一百五十貫正六品百二十石從減十石鈔皆九十貫正從七品視從六品遞減十石鈔皆六十貫正八品七十五石從減五石鈔皆四十五貫正從九品視從八品遞減五石鈔皆三十貫勒之石至二十五年更定百官祿正一品月奉米八十七石從一品至正三品遞減十三石至三十五石從三品二十六石至四品二十

四石從四品二十一石正五品十六石從五品十四石  
正六品十石從六品八石正七品至從九品遞減五斗  
至五石而止自後遂為永制

幹力白直仗身庶僕親事帳內執衣防閤邑士士力門  
夫等唐以後歷代皆無其役或有有制而異其名者惟

宋之待臣下最優奉養獨厚有隨身僉人

任宰相執政及使相至正

任刺史以上者有隨身除止有僉人

宰相并文臣充樞密使同中書門下

平章事及樞密使七十人樞密使帶使相侍中樞密使

節度使同中書門下平章事已上及帶宣徽使並前兩  
府除節度使及節度使移鎮樞密使副知院事帶節度  
使一百人參知政事文臣充樞密副使知院事同知院  
事及宣徽使不帶節度使僉書樞密院事節度觀察留  
後知樞密院事并充樞密副使同知樞密院事並帶宣  
徽使僉書樞密院事三司使門下侍郎中書侍郎尚書  
左右丞五十人檢校太保僉書樞密院事三十五人權  
三司使三十人權發遣公事十五人副使判官判三司

五人

副使判官權并權發遣同

觀文殿大學士二十人觀文殿學士

資政殿大學士十人資政端明翰林侍讀侍講龍圖天

章學士樞密直學士保和宣和延康殿學士寶文顯謨

徽猷閣學士七人玉清昭應宮景靈宮會靈觀三副使

十人判官五人節度使留後改承宣使觀察使五十人

管軍同皇族節度使同中書門下平章事并散節度使帶王爵及節度觀察留後帶郡王五十人觀察使二十

人兩省都知押班帶諸司使領節度觀察留後五防禦

十人兩省都知押班并橫行領觀察使十五人使三十人

管軍同皇族并遙領二十人兩省都知押班帶諸司使并諸衛大將軍及橫行遙領十五

人團練使三十人

管軍及軍班除充者同其餘除授者二十人皇族充及帶領十五人兩省

都知押班帶領諸司使並橫行遙領者十人

刺史二十人

軍班除充者同其餘除授并管軍十人皇

族充者十五人兩省都知押班帶領諸司使五人橫行遙領全分者五人減定者不給

內客省使二

十人樞密都承旨十人副都承旨副承旨諸房副承旨

中書堂後官提點五房公事七人逐房副承旨五人中

書堂後官至樞密院主事以上各二人錄事令使寄班

小底一人凡隨身則給衣糧傭人則給餐錢其殿閣學

士又有茶酒

日給五升及一升不等

節度副使以下各給厨料六

斗麴一石二斗其內臣自宰相至中書提點五房又給

薪蒿炭鹽外臣不給炭又給馬芻粟及紙

外官不給

其內外

官又給公用錢京師分月給歲給月給者自三百千至  
十千不等歲給者惟尚書都省銀臺司審刑院提舉諸  
司庫務司不限年月用盡則續給自五千至百千凡十  
三等外官刺史千五百貫至五百貫凡三等遞增至節  
度使兼使相有至二萬貫者

金諸司都監皆給食直自六十貫至十貫不等其馳驛

及長行馬職官日給一品

三貫文

二品

二貫文

三品

一貫五百文

四品

一貫二百文

五品

一貫文

六品

八百文

七品

六百文

八品

九品

四百文

### 致仕官祿

宋太宗淳化元年五月詔致仕官有曾歷外職任者給半奉以他物充仁宗景祐三年詔曰致仕舊皆給半奉而未嘗為顯官者或貧不能自給非所以遇高年養廉恥也其大兩省大卿監正刺史閤門使以上致仕官自



今給半奉如分司官例徽宗大觀二年詔致仕官年八十以上應給半奉者以緡錢充

金熙宗皇統元年二月詔諸官職俱至三品而致仕者祿奉儻人各給其半

明宰臣致仕者間或遣行人存問賜白金數十兩然皆出自特恩一朝如徐階輩數人而已非常制也

### 職田公解田

宋真宗咸平中令館閣檢閱故事申定職田之制以官

莊及遠年逃亡田充悉免租稅田戶以浮客充所得課

租均分如鄉原例州縣長吏給十之五其兩京大藩府

四十

次藩鎮

三十

防禦團練州

三十

中上刺史州

三十

下州及軍監

十五

邊遠小州上縣

十

中縣

八

下縣

七

運使副

十

兵馬都監押砦主釐務官錄事參軍判司等

比通判幕職之數而均給之仁宗慶歷中又申定其數

凡大藩長吏

二十

通判

八

判官

五

幕職官

四

凡節鎮長

吏

十五

通判

七

判官

四

幕職官

三

十

凡防團以下州

十

軍長吏

十頃

通判

六頃

判官

三頃

五頃

幕職官

三頃

其餘軍監長

吏

七頃

判官幕官並同防團以下州軍凡縣令萬戶以上

六頃

五千戶以上

五頃

不滿五千戶

四頃

凡簿尉萬戶以上

三頃

五千戶以上

二頃

五頃

不滿五千戶

二頃

錄事參軍比本判

官曹官比倚郭簿尉發運制置轉運使副武臣總管比

節鎮長吏發運制置判官比大藩府通判安撫都監路

分都監比節鎮通判大藩府都監比本府判官黃汴河

許汝石塘河都大催綱比節鎮判官節鎮以下至軍監

諸路走馬承受并砦主都同巡檢提舉捉賊提點馬監  
大都巡河不得過節鎮判官在州監當及催綱撥發巡  
捉私茶鹽賊盜駐泊捉賊不得過簿尉熙寧以後復加  
詳定無大損益

金制二品已上無職田三品而下在京者亦無職田外

官正三品

公田三十項

統軍使招討使副使

公田二十五項

從三品

公田二十一項

正四品副統軍

職田十七頃餘  
官公田十五頃

從四品

公田十四頃

正五品刺史知軍鹽使

公田十三頃餘  
官職田十頃

從五品

公田七頃正

六品

公田六項

從七品統軍司知事諸鎮軍都指揮使諸招

討使勸事官諸縣令諸警巡副京兆府竹監管勾五品

鹽使司判諸部圖將同提舉上京皇城司同提舉南京

京城所黃河都巡河官諸河稅榷場使

職田五項

會安關使

諸知鎮城堡寨

職田四項

正八品市令諸錄事諸防禦判赤

縣丞尉崇福索多巡河官諸酒稅使醋使榷場副諸都

巡檢

職田四項

按察司知事大興府知事招討使知事諸副

都巡檢諸節鎮以上司獄諸副將

職田二項

從八品諸州軍

判官諸京縣丞諸次劇縣丞諸三品鹽使判官漕運使

管勾永豐廣備庫副使左右別貯院木場使諸默濟格諸

額勒金

職田三頃

正九品諸警巡院判官諸縣丞諸酒稅副

使

職田三頃

市丞諸司候諸主簿諸錄判諸縣尉散巡河官

黃河埽物料場官諸鹽場管勾左右別貯院木場副使

永豐廣備庫判諸都將隊將諸州軍司獄

職田二頃

從九品

諸教授司候判官

職田二頃

天德二年省臣奏職官公田歲

入有數前此百姓各隨公宇就輸而吏或多取以傷民

宜送之官倉均定其數與月奉隨給然田之多寡不均  
有無不一或亦隨其一時之權宜而定者也

元世祖至元三年定隨路府州縣官員職田上路達嚕

噶齊及總管

十六  
頃

同知

八  
頃

治中

六  
頃

府判  
五  
頃  
下路達嚕噶

齊及總管

十四  
頃

同知

七  
頃

府判  
五  
頃  
散府達嚕噶齊及知府

十  
頃同知

六  
頃

府判

四  
頃

上州達嚕噶齊及州尹

十  
頃

同知  
五  
頃  
州

判

四  
頃

中州達嚕噶齊及知州

八  
頃

同知

四  
頃

州判  
三  
頃  
下州達

嚕噶齊及知州

六  
頃

州判

三  
頃

警巡院達嚕噶齊及警使

五  
頃

警副

四項

警判

三項

錄事司達嚕噶齊及錄事

三項

錄判

二項

縣

達嚕噶齊及縣尹

四項

縣丞

三項

主簿

二項

縣尉

二項

主簿兼尉並

同經歷

四項

十四年定各道按察使

十六項

副使

八項

僉事

六項

至二十一年定江南行省及諸司職田比腹裏減半如

上路達嚕噶齊及總管十六項皆八項餘各官悉依此

制增運司官運使

八項

同知

四項

運副及運判

三項

經歷及知

事提控案牘

二項

鹽司官鹽使及鹽副

二項

鹽判

一項


各場正

同管勾

一項



明初諸王公主勲戚及內監寺觀皆有賜乞莊田百官  
皆有職田皆謂官田英宗正統元年令蘇松浙江等處  
官田準民田起科



欽定續通典卷三十九